



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1351 usque ad annum 1414

**Fleury, Claude**

**August. Vind. [u.a.], 1768**

**VD18 90118278**

§. 26. Creat Cardinales.

---

[urn:nbn:de:hbz:466:1-66293](https://nbn-resolving.org/urn:nbn:de:hbz:466:1-66293)

Cum Urbanus prope Salernum confes-  
 diffet, Galli ex militari ejus præsidio de-  
 liberabant, an eum Clementi traderent:  
 quem agnoscebant Papam. Grandem ab  
 isto pecuniam sperabant: nec Urbanum  
 solvendo æri promisso parem videbant.  
 At Raymundus Belsianus copiis omnibus  
 imperans Gallos levatos metu cum Ita-  
 lis, ac Germanis in fide erga Urbanum  
 continuit: qui invenit rationem repræ-  
 sentandi undecies mille florenos aureos,  
 & viginti sex millium cautiones fecit.  
 Hujus pensionis causa comminuere vasa  
 cogebatur, argento signato carens. Cum  
 interim promissæ triremes Genuensium  
 advenissent, in Siciliam, ubi agnosceba-  
 tur Papa, transit. Messanæ publice le-  
 gendas curavit litteras anathematis in Ca-  
 rolum de Pace contorti: Panormique in-  
 structo cibariis comitatu suo, qui his ma-  
 gnopere indigebat, Genuam mari profe-  
 ctus die sabbati 23 Sept. advenit.

§. XXVI.

*Urbanus creat Cardinales.*

Ibi die lunæ 16 Octobris multorum Car-  
 dinalium creationem denunciavit, pro-  
 babiliter postquam comperit recusatio-  
 nem Præfulum Germaniæ, quibus hanc  
 obtulerat dignitatem. Recens delecti  
 plerique fuere Neapolitani: & ecce no-  
 tiores!

Cc 5

Sæcul. XIV.  
 A. C. 1385.

Rayn. n. 7.  
 ex Gobel.

Th. Niem.  
 c. 56.

Rayn. 1385.  
 n. 3.  
 Sup. I. 21.

Ughel. to. 3.  
 p. 208.



Sæcul. XIV. A. C. 1385. tiore! Primus erat Angelus Acciajo-  
lus Nobilis Florentinus, primum Rampol-  
læ in regno Neapolitano Episcopus, dein-  
de anno 1383 in gratiam Regis Caroli,  
cujus gratia florebat, Florentiam transla-  
tus, modo per Urbanum Cardinalis Pres-  
byter de S. Laurentio in *Damaso*: anno  
1387 abdicavit episcopatum Floranti-  
num; qui collatus est Bartholomæo Ula-  
rio Minorum Ordinis Ministro Generali.  
Secundus, Franciscus Carbonus Nobilis  
Neapolitanus, Cisterciensis Monachus, ab  
anno 1383 per Urbanum Monopoleos  
Episcopus, nunc Cardinalis Presbyter de  
*Ughel. to. I. p. 1048.* S. Susanna. Theodoricus Niemi-  
us eum vocat insignem sacrorum nundinatorem.

Tertius, Marinus Bulcanus Neapoli-  
tanus Papæ propinquus, Hypodiaconus,  
& Archigrammateus, Cardinalis Diaconus  
de templo S. Mariæ Novo, ac Eccle-  
siæ Romanæ Quæstor supremus. Quar-  
tus, Raynaldus Brancacius Neapolitanus  
Cardinalis Diaconus de SS. Vito, ac Mo-  
desto. Quintus, Franciscus Castagnolus  
itidem Neapolitanus nominatus Cardina-  
lis Diaconus, sed sine titulo, quia Genue  
obiit 15 Novembris eodem anno. Tres  
alii Cardinales, quorum creationis annus  
est incertus, huc etiam referuntur; Ste-  
phanus Palofus Romanus, in S. Mariæ  
*Ibid. p. 245.* Majore templo Canonicus, per Grego-  
rium XI anno 1374 renunciatus Episco-  
pus



pus Tudertinus, per Urbanum VI designatus ærarii Ecclesiæ Romanæ Præses, ab eodem Papa Neapolim eunte relictus Romæ ut Vicarius, demum appellatus Cardinalis Presbyter de S. Marcello. Alter, Ludovicus Fiescus Nobilis Genuensis, ab anno 1384 per Urbanum VI Vercellarum Episcopus, postea Cardinalis Diaconus de S. Adriano, Vercellensis Ecclesiæ administrationem servare iussus, quamdiu Papæ id placeret. Postremus, Angelus ab Anna Sommerivia, seu Laudensi Neapolitanus, Monachus Camaldulensis, Cardinalis Diaconus de S. Lucia.

Qui ex numero istorum Cardinalium Neapoli versabantur, novam dignitatem suam accipere palam non audebant metu Regis Caroli. Diu manebant abditi suis in domibus, ne vulgi fabula fierent. Multæ urbis matronæ nobiles, quæ illos noverant, ajebant aliæ aliis: Percuperem tuum maritum videre Cardinalem. Nam hi recens declarati omnes dicebantur habere concubinas suis in ædibus. Nempe Papam Urbanum impetus animi sic præoccupaverat, ut Cardinales Ecclesiæ universæ utiles decernere neutiquam cogitaret. Itaque loquitur Niemius.

*Th. Niem.*  
c. 44.

## §. XXVII.